



盛唐彙詩卷第一百七

四唐彙詩一百七十七

長安
振鐸
詩
卷
七

新都

吳勉學

編輯

江晏如

校訂

七言律體

送別

送方尊師歸嵩山

王維

仙宮欲往九龍潭
毛節朱幡倚石龕
山壓天中半天上
洞穿江底出江南
瀑布杉松常帶雨
夕陽彩翠忽成嵐
借問迎來雙白鶴
已曾衡嶽送

蘇耽

送楊少府貶郴州

王維

明到衡山與洞庭若為秋月聽猿聲愁看北渚
三湘遠惡說南風五兩輕青草瘴時過夏口白
頭浪裏出湓城長沙不久留才子賈誼何須吊
屈平

暮春虢州東亭送李司馬歸扶風別廬

岑參

柳籬鶯嬌花復殷紅亭綠酒送君還到來函谷

愁中月歸去磻谿夢裏山簾前春色應須惜世
上浮名好是閑西望鄉關腸欲斷對君衫袖淚
痕斑

九日使君席奉餞衛中丞赴長水

岑參

節使橫行西出師鳴弓擐甲羽林兒臺上霜風
凌草木軍中殺氣傍旌旗須知漢將宣威日正
是胡塵欲滅時為報使君多泛菊更將絃管醉
東籬

使君席夜送嚴河南赴長水

得時字

岑參

嬌歌急管雜青絲銀燭金杯映翠眉使君地主
能相送河尹天明坐莫辭春城月出人皆醉野
戍花深馬去遲寄聲報爾山翁道今日河南勝
昔時

送李少府貶峽中王少府貶長沙

高適

嗟君此別意何如駐馬銜杯問謫居巫峽啼猿

數行淚衡陽歸鴈幾封書青楓江上秋天遠白
帝城邊古木疎聖代卽今多雨露暫時分手莫
躊躇

東平別前衛縣李宋少府

高適

黃鳥翩翩楊柳垂春風送客使人悲怨別自驚
千里外論交却憶十年時雲開汶水孤帆遠路
繞梁山匹馬遲此地從來可乘興留君不住益
凄其

夜別韋司士

得城字

高適

高館張燈酒復清
夜鐘殘月鴈歸聲
只言啼鳥堪求侶
無那春風欲送行
黃河曲裏沙爲岍
白馬津邊柳向城
莫怨他鄉暫離別
知君到處有逢迎

送魏萬之京

李頎

朝聞遊子唱離歌
昨夜微風初渡河
鴻鴈不堪愁裏聽
雲山況是客中過
關城樹色催寒近
御苑砧聲向曉多
莫見長安行樂處
空令歲月易蹉跎

送李回

李頎

知君官屬大司農
詔幸驪山職事雄
歲發金錢供御府
晝看仙液注離宮
千巖曙雪旌門上
十月寒花輦路中
不覩聲名與文物
自傷流滯去關東

送賀監歸四明應制

李白

久辭榮祿遂初衣
曾向長生說息機
真訣自從茅氏得
恩波應阻洞庭歸
瑤臺含霧星辰滿
仙嶠浮空島嶼微
借問欲栖珠樹鶴
何年却向帝

城飛

別中都明府兄

李白

吾兄詩酒繼陶君
試宰中都天下聞
東樓喜奉連枝會
南陌還為落葉分
城隅綠水明秋日
海上青山隔暮雲
取醉不辭留夜月
鴈行中斷惜離羣

奉送蜀州栢二別駕將中丞命赴江陵

起居衛尚書太夫人因示從弟行軍司

馬位

杜甫

中丞問俗畫熊頻
愛弟傳書綵鷁新
遷轉五州防禦使
起居八座太夫人
楚宮臘送荆門水
白帝雲偷碧海春
與報惠連詩不惜
知吾斑鬢總如銀

公安送韋二府匡贊

杜甫

逍遙公後世多賢
送爾維舟惜別筵
念我能書數字至
將詩不必萬人傳
時危兵甲黃塵裏
日短江湖白髮前
古往今來皆涕淚
斷腸分手各風煙

送路六侍御入朝

杜甫

童稚情親四十年中間消息兩茫然更爲後會
知何地忽漫相逢是別筵不分桃花紅勝錦生
憎柳絮白於綿劍南春色還無賴觸忤愁人到
酒邊

章梓州橘亭餞成都竇少尹

杜甫

秋日野亭千橘香玉杯錦席高雲涼主人送客
何所作行酒賦詩殊未央衰老應爲難離別賢
聲此去有輝光預傳籍籍新京兆青史無勞數

趙張

送鄭十八虔貶台州司戶傷其臨老陷

賊之故闕爲面別情見於詩

杜甫

鄭公樗散鬢如絲酒後常稱老畫師萬里傷心
嚴遣日百年垂死中興時蒼皇已就長途往避
逅無端出餞遲便與先生應永訣九重泉路盡
交期

送韓十四江東覲省

杜甫

兵戈不見老萊衣歎息人間萬事非我已無家

尋弟妹君今何處訪庭闈黃牛峽靜灘聲轉白
馬江寒樹影稀此別還須各努力故鄉猶恐未
同歸

送李八秘書杜相公幕

杜甫

青簾白舫益州來巫峽秋濤天地迴石出倒聽
楓葉下櫓搖背指菊花開貪趨相府今晨發恐
失佳期後命催南極一星朝北斗五雲多處是
三台

送王十五判官扶侍還黔中得開字

杜甫

大家東征逐子回風生洲渚錦帆開青青竹笋
迎船出白白江魚入饌來離別不堪無限意艱
危須仗濟時才黔陽信使應稀少莫怪頻頻勸
酒杯

長沙送李十一銜

杜甫

與子避地西康州洞庭相逢十二秋遠媿尚方
曾賜履竟非吾土倦登樓久存膠漆應難並一
辱泥塗遂晚收李杜齊名真忝竊朔雲寒菊倍

離憂

又送辛員外

杜甫

雙峰寂寂對春臺，萬竹青青照客杯。
細草留連侵坐軟，殘花悵望近人開。
同舟昨日何由得，並馬今朝未擬回。
直到綿州始分首，江頭樹裏共誰來。

季夏送鄉弟韶陪黃門從叔朝謁

杜甫

令弟尚爲蒼水使，名家莫出杜陵人。
比來相國

兼安蜀歸赴朝廷，已入秦捨舟策馬論兵地。
拖玉腰金報主身，莫度清秋吟蟋蟀。
早聞黃閣畫麒麟。

留別公安太易沙門

杜甫

隱居欲就廬山遠，麗藻初逢休上人。
數問舟航留製作，長開篋笥擬心神。
沙村白雪仍含凍，江縣紅梅已放春。
先踏鑪峰置蘭若，徐飛錫杖出風塵。

將赴荆南寄別李劔州弟 杜甫

使君高義驅今古寥落三年坐劔州但見文翁
能化俗焉知李廣未封侯路經灩澦雙蓬鬢天
入滄浪一釣舟戎馬相逢更何日春風回首仲
宣樓

送皇甫齡宰交河

將軍帳下來從客小邑彈琴不易逢樓上胡笳
傳別怨樽中臘酒爲誰濃行人醉出雙門道少
婦愁看七里烽今日相如輕武騎多應朝暮客
臨卽

別韋郎中

張謂

星軺計日赴岷峨雲樹連天阻笑歌南入洞庭
隨鴈去西過巫峽聽猿多崢嶸洲上飛黃蝶灩
澦堆邊起白波不醉郎中桑落酒教人無奈別
離何

行通

行經華陰

崔顥

岩嶷太華俯咸京天外三峰削不成武帝祠前
雲欲散仙人掌上雨初晴河山北枕秦關險驛

樹西連漢時平借問路傍名利客無如此處學
長生

奉和 相公發益昌

岑參

相國臨戎別帝京擁麾持節遠橫行朝登劔閣
雲隨馬夜渡巴江雨洗兵山花萬朶迎征蓋川
柳千條拂去旌暫到蜀城應計日須知明主待
持衡

晚發公安數月憇息此縣

杜甫

北城擊柝復欲罷東方明星亦不遲鄰雞野哭
如昨日物色生態能幾時舟楫眇然自此去江
湖遠適無前期出門轉眄已陳迹藥餌扶吾隨
所之

小寒食舟中作

杜甫

佳城強飲食猶寒隱几蕭條戴鶻冠春水船如
天上坐老年花似霧中看娟娟戲蝶過閑幔片
片輕鷗下急湍雲白山青萬餘里愁看直北是
長安

灩澦

杜甫

灑灑既沒孤根深西來水多愁太陰江天漠漠
鳥雙去風雨時時龍一吟舟人漁子歌回首估
客胡商淚滿襟寄語舟航惡年少休翻鹽井橫
黃金

古跡

萬歲樓

王昌齡

江上巍巍萬歲樓不知經歷幾千秋年年喜見
山長在日日悲看水獨流猿狖何曾離暮嶺鷓
鴒空自泛寒洲誰堪登望雲煙裏向晚茫茫發

旅愁

黃鶴樓

崔顥

昔人已乘白雲去此地空餘黃鶴樓黃鶴一去
不復返白雲千載空悠悠晴川歷歷漢陽樹春
草萋萋鸚鵡洲日暮鄉關何處是煙波江上使
人愁

蜀相

杜甫

丞相祠堂何處尋錦官城外柏森森映階碧草
自春色隔葉黃鸝空好音三顧頻繁天下計兩

朝開濟老臣心出師未捷身先死長使英雄淚
滿襟

玉臺觀

杜甫

中天積翠玉臺遙上帝高居絳節朝遂有馮夷
來擊鼓始知羸女善吹簫江光隱見鼉鼉窟石
勢參差烏鵲橋更有紅顏生羽翰便應黃髮老
漁樵

滕王亭子

杜甫

君王臺榭枕巴山萬丈丹梯尚可攀春日鶯啼

脩竹裏仙家犬吠白雲間清江碧石傷心麗嫩
蘂濃花滿目班人到于今歌出牧來遊此地不
知還

詠懷古跡五首

杜甫

支離東北風塵際漂泊西南天地間三峽樓臺
淹日月五谿衣服共雲山羯胡事主終無賴詞
客哀時且未還庾信平生最蕭瑟暮年詩賦動
江關

又

瑤落深知宋玉悲風流儒雅亦吾師
悵望千秋一灑淚蕭條異代不同時
江山故宅空文藻雲雨荒臺豈夢思
最是楚宮俱泯滅舟人指點到今疑

又

羣山萬壑赴荆門生長明妃尚有村
一去紫臺連朔漠獨留青塚向黃昏
畫圖省識春風面回環珮空歸月夜魂
千歲琵琶作胡語分明怨恨曲中論

又

蜀主窺吳幸三峽崩年亦在永安宮
翠華想像空山裏玉殿虛無野寺中
古廟杉松巢水鶴歲時伏臘走村翁
武侯祠屋長鄰近一體君臣祭祀同

又

諸葛大名垂宇宙宗臣遺像肅清高
三分割劇紆籌策萬古雲霄一羽毛
伯仲之間見伊呂指揮若定失蕭曹
運移漢祚終難復志決身殲軍

務勞

橋井

元結

靈橋無根井有泉世間如夢又千年鄉園不見
重歸鶴姓字今為第幾仙風冷露壇人悄悄地
閑荒徑草綿綿如何躡得蘇君跡白日霓旌擁
上天

經陸補闕隱居

蔡母潛

不敢要君徵亦起致君全得似唐虞謹言昨歎
離天聽新象今聞入縣圖琴鎖壞牕風自響鶴

歸喬木隱難呼學書弟子何人在點檢猶存諫
草無

盛唐彙詩卷第一百七

四唐彙詩一百七十七

盛唐彙詩卷第一百八

四唐彙詩百十八

新都

吳勉學

編輯

江晏如

校訂

七言律體

燕遊

大同殿柱產玉芝
龍池上有慶雲神光
照殿百官共覩聖恩
便賜宴樂敢書卽

事

王維

欲笑周文歌宴鎬
還輕漢武樂橫汾
豈如玉殿

生三秀詎有銅池出五雲陌上堯樽傾北斗樓
前舜樂動南薰共歡天意同人意萬歲千秋奉
聖君

同陳留崔司戶早春宴蓬池 高適

同官載酒出郊圻晴日東馳鴈北飛隔岸春雲
邀翰墨傍簷垂柳報芳菲池邊轉覺虛無盡臺
上偏宜酪酊歸州縣徒勞那可度後時連騎莫
相違

鄭駙馬宴洞中 杜甫

主家陰洞細煙霧留客夏簟青琅玕春酒杯濃
琥珀薄冰漿椀碧碼碯寒悞疑茅堂過江麓已
入風磴霾雲端自是秦樓壓鄭谷時聞雜佩聲
珊珊

曲江陪鄭八丈南史飲 杜甫

雀啄江頭黃柳花鳩鵲鷓鴣滿晴沙自知白髮
非春事且盡芳樽戀物華近侍卽今難浪迹此
身那得更無家丈人才力猶強健豈傍青門學
種瓜

春園家宴

張謂

南園春色正相宜
大婦同行少婦隨
竹裏登樓人不見
花間覓路鳥先知
櫻桃解結垂簷子
楊柳能低入戶枝
山簡醉來歌一曲
參差笑殺郢中兒

春日出苑遊矚

玄宗

三陽麗景早芳辰
四序佳園物候新
梅花百樹障去路
垂柳千條暗回津
鳥飛直爲驚風葉
魚沒都由怯岸人
唯願聖主南山壽
何愁不賞萬

年春

奉和扈從溫泉宮承恩賜浴

蔡希周

天行雲從指驪宮
浴日餘波錫詔同
綵殿氤氳擁香溜
紗牕宛轉閉和風
來將蘭氣衝皇澤
去引星辰捧碧空
自憐遇坎便能止
願託仙槎路未通

駕幸溫泉

盧象

傳聞聖主幸新豐
清蹕鳴鑾出禁中
細草終朝

隨步輦垂楊幾處繞行宮千官扈從驪山北萬
國來朝渭水東此日小臣徒獻賦漢家誰復重
楊雄

奉和聖製從蓬萊向興慶閣道中留春

雨中春望之作應制

李愷

別館春還淑氣催三宮路轉鳳凰臺雲飛北闕
輕陰散雨歇南山積翠來御柳遙隨天仗發林
花不待曉風開已知聖澤深無限更喜年芳入
睿才

奉和聖製從蓬萊向興慶閣道中留春

雨中春望之作應制

王維

渭水自縈秦塞曲黃山舊遶漢宮斜鑿輿迴出
千門柳閣道迴看上苑花雲裏帝城雙鳳闕雨
中春樹萬人家爲乘陽氣行時令不是宸遊翫
物華

敕借岐王九成宮避暑應教
王維

帝子遠辭丹鳳闕天書遙借翠微宮隔牕雲霧
生衣上卷幔山泉入鏡中林下水聲喧語笑巖

間樹色隱房櫳仙家未必能勝此何事吹笙向
碧空

積雨輞川莊作 王維

積雨空林煙火遲蒸藜炊黍餉東菑漠漠水田
飛白鷺陰陰夏木轉黃鸝山中習靜觀朝槿松
下清齋折露葵野老與人爭席罷海鷗何事更
相疑

早秋山中作 王維

無才不敢累明時思向東谿守故籬豈厭尚平

婚嫁早却嫌陶令去官遲草間蛩響臨秋急山
裏蟬聲薄暮悲寂寞柴門人不到空林獨與白
雲期

輞川別業 王維

不到東山向一年歸來纔及種春田雨中草色
綠堪染水上桃花紅欲然優婁比丘經論學偃
僂丈人鄉里賢披衣倒屣且相見相歡語笑蘄
門前

過乘如禪師蕭居士嵩丘蘭若

王維

無着天親弟與兄
高丘蘭若一峯晴
食隨鳴磬巢鳥下
行踏空林落葉聲
迸水定侵香案濕
雨花應共石牀平
深洞長松何所有
儼然天竺古先生

和大常韋主簿五郎温湯寓目之作

王維

漢主離宮接露臺
秦川一半夕陽開
青山盡是朱旗繞
碧澗翻從玉殿來
新豐樹裏行人度
小

苑城邊獵騎迴
聞道甘泉能獻賦
懸知獨有子雲才

春日與裴迪過新昌里訪呂逸人不遇

王維

桃源一向絕風塵
柳市南頭訪隱淪
到門不敢題凡鳥
看竹何須問主人
城上青山如屋裏
東家流水入西鄰
閉戶著書多歲月
種松皆作老龍鱗

一向一作四面

春日與王右丞過新昌里訪呂逸人不

遇

裴迥

恨不逢君出荷蓑青松白屋更無他陶令五男
曾不有蔣生三逕枉相過芙蓉曲沼春流蒲葺
荔成帷晚靄多聞說桃源好迷客不如高卧眄
庭柯

田家卽事

儲光羲

桑柘悠悠水醮堤晚風晴景不妨犁高機猶織
卧蠶子下坂饑逢餉饁妻杏色滿林羊酪熟麥
涼浮壠雉媒低生時樂死皆由命事在旻天迴

不迷

登萬歲樓

孟浩然

萬歲樓頭望故鄉獨令鄉思更茫茫天寒鴈度
堪垂淚日落猿啼欲斷腸曲引古堤臨凍浦斜
分遠岸近枯楊今朝偶見同袍友却喜家書寄
八行

登安陽城樓

孟浩然

縣城南面漢江流江漲開城南雍州才子承春
來騁望羣公暇日坐銷憂樓臺晚映青山郭羅

綺晴驕綠水洲向夕波搖明月動更疑神女弄
珠遊

九日登高

王昌齡

青山遠近帶皇州霽景重陽上北樓雨歇亭臯
仙菊潤霜飛天苑御梨秋茱萸插鬢花宜壽翦
翠橫釵舞作愁謾說陶潛籬下醉何曾得見此
風流

金城北樓

高適

北樓西望滿晴空積水連山勝畫中湍上急流

聲若箭城頭殘月勢如弓垂竿已謝磻溪老體
道猶思塞上翁爲問邊庭更何事至今羌笛怨
無窮

赴嘉州過城固縣尋永安超禪師房

岑參

滿寺枇杷冬着花老僧相見具袈裟漢王城北
雪初霽韓信臺西日欲斜門外不須催五馬林
中且聽演三車豈料巴川多勝事爲君書此報
京華

望薊門

祖詠

燕臺一望客心驚
簫鼓喧喧漢將營
萬里寒光生積雪
三邊曙色動危旌
沙場烽火連胡海
畔雲山擁薊城
少小雖非投筆吏
論功還欲請長纓

登金陵鳳凰臺

李白

鳳凰臺上鳳凰遊
鳳去臺空江自流
吳宮花草埋幽徑
晉代衣冠成古丘
三山半路青天外
二水中分白鷺洲
總為浮雲能蔽日
長安不見使

人愁

鸚鵡洲

李白

鸚鵡來過吳江水
江上洲傳鸚鵡名
鸚鵡西飛隴山去
芳洲之樹何青青
煙開蘭葉香風煖
岸夾桃花錦浪生
遷客此時徒極目
長洲孤月向誰明

峽中覽物

杜甫

曾為掾吏趨三輔
憶在潼關詩興多
巫峽忽如瞻華嶽
蜀江猶似見黃河
舟中得病移衾枕
洞

口經春長薜蘿形勝有餘風土惡幾時回首一
高歌

望嶽

杜甫

西嶽峻嶒竦處尊諸峰羅立似兒孫安得仙人
九節杖拄到玉女洗頭盆車箱入谷無歸路箭
括通天有一門稍待秋風涼冷後高尋白帝問
真源

登樓

杜甫

花近高樓傷客心萬方多難此登臨錦江春色

來天地玉壘浮雲變古今北極朝廷終不改西
山寇盜莫相侵可憐後生還祠廟日暮聊爲梁
甫吟

白帝城最高樓

杜甫

城尖徑仄旌旆愁獨立縹緲之飛樓峽坼雲霧
龍虎睡江清日抱鼉鼉遊扶桑西枝封斷石弱
水東影隨長流杖藜歎世者誰子泣血迸空回
白頭

城西陂泛舟

杜甫

青蛾皓齒在樓船橫笛短簫悲遠天春風自信
牙檣動遲日徐看錦纜牽魚吹細浪搖歌扇燕
蹴飛花落舞筵不有小舟能盪漿百壺那送酒
如泉

宇文晁尚書之甥崔或司業之孫尚書
之子重泛鄭監前湖

杜甫

郊扉俗遠長幽寂野水春來更接連錦席淹留
還出浦葛巾欹側未回船樽當霞綺輕初散棹
拂荷珠碎却圓不但習池歸酪酏君看鄭谷去

夤緣

涪城縣香積寺官閣

杜甫

寺下春江深不流山腰官閣迴添愁含風翠壁
孤雲細背日丹楓萬木稠小院回廊春寂寂浴
鳥飛鷺晚悠悠諸天合在藤蘿外昏黑應須到
上頭

野望

杜甫

金華山北涪水西仲冬風日始淒淒山連粵雋
蟠三蜀水散巴渝下五谿獨鶴不知何事舞饑

鳥似欲向人啼射洪春酒寒仍綠目極傷神誰
爲攜

崔氏東山草堂

杜甫

愛汝玉山草堂靜高秋爽氣多鮮新有時自發
鐘磬響落日更見漁樵人盤剝白鴟谷口粟飯
煮青泥坊底芹何事西莊王給事柴門空閉鎖
松筠

九日藍田崔氏莊

杜甫

老去悲秋強自寬興來今日盡君歡羞將短髮

還吹帽笑倩傍人爲正冠藍水遠從千澗落玉
山高並兩峰寒明年此會知誰健醉把茱萸子
細看

曲江二首

杜甫

一片花飛減却春風飄萬點正愁人且看欲盡
花經眼莫厭傷多酒入脣江上小堂巢翡翠苑
邊高塚卧麒麟細推物理須行樂何用浮名絆
此身

又

盛唐詩集 卷一百八
朝回日日典春衣每日江頭盡醉歸酒債尋常
行處有人生七十古來稀穿花蛺蝶深深見點
水蜻蜓款款飛傳語風光共流轉暫時相賞莫
相違

曲江值雨

杜甫

城上春雲覆苑牆江亭晚色靜年芳林花著雨
臙脂濕水荇牽風翠帶長龍武新軍深駐輦芙
蓉別殿謾焚香何時詔此金錢會暫醉佳人錦
瑟傍

曲江對酒

杜甫

苑外江頭坐不歸水精宮殿轉霏微桃花細逐
楊花落黃鳥時兼白鳥飛縱飲久拚人共棄嬾
朝真與世相違吏情更覺滄洲遠老大徒傷未
拂衣

卽事

杜甫

暮春三月巫峽長晶晶行雲浮日光雷聲忽送
千峰雨花氣渾如百和香黃鶯過水翻翅去燕
子銜泥濕不妨飛閣卷簾圖畫裏虛無只少對

瀟湘

江村

杜甫

清江一曲抱村流長夏江村事事幽自去自來
梁上燕相親相近水中鷗老妻畫紙爲棋局稚
子敲針作釣鉤多病所須惟藥物微軀自外更
何求

進艇

杜甫

南京父客耕南畝北望傷神坐北牕晝引老妻
乘小艇晴看稚子浴清江俱飛蛺蝶元相逐並

蒂芙蓉本自雙茗飲蔗漿攜所有瓷甃無讓玉
爲缸

卜居

杜甫

浣花谿水西頭主人爲卜林塘幽已知出郭
少塵事更有澄江銷客愁無數蜻蜓齊上下一
雙鸕鷀對沈浮東行萬里堪乘興須向山陰上
小舟

南鄰

杜甫

錦里先生烏角巾園收芋栗未全貧慣看賓客

兒童喜得食階除鳥雀馴秋水纔深四五尺野
艇恰受兩三人白沙翠竹江村暮相送柴門月
色新

堂成

杜甫

背郭堂成蔭白茅緣江路熟俯青郊楹林礙日
吟風葉籠竹和煙滴露稍暫止飛鳥將數子頻
來語燕定新巢旁人錯比楊雄宅懶惰無心作
解嘲

嚴中丞枉駕見過

杜甫

元戎小隊出郊坰問柳尋花到野亭川合東西
瞻使節地分南北任浮萍扁舟不獨如張翰皂
帽應兼似管寧寂寞江天雲霧裏何人道有少
微星

嚴中丞仲夏枉駕草堂兼攜酒饌得寒

字

杜甫

竹裏行厨洗玉盤花邊立馬簇金鞍非關使者
徵求急自識將軍禮數寬百年地僻柴門迴五
月江深草閣寒看弄漁舟移白日老農何有罄

交歡

客至

杜甫

舍南舍北皆春水但見羣鷗日日來
花徑不曾緣客掃蓬門今始為君開
盤餐市遠無兼味樽酒家貧只舊醅
肯與鄰翁相對飲隔籬呼取盡餘杯

賓至

一題作有客

杜甫

幽棲地僻經過少老病人扶再拜難
豈有文章驚海內謾勞車馬駐江干
竟日淹留佳客坐百

年麤糲腐儒餐不嫌野外無供給乘興還來看
藥欄

緜州越王樓卽事

杜甫

三蜀澄清郡政閑登樓攜酌日躋攀
頓覺胸懷無俗事迴看掌握是人寰
灘聲曲折涪州水雲影低銜富樂山
行鴈南飛似鄉信忽然西笑向秦關

西塞山下迴舟作陶峴

匡廬舊業是誰主吳越新居安此生白髮數莖

歸未得青山一望計還成
鴉翻楓葉夕陽動鷺
立蘆花秋水明從此捨舟何所詣
酒旗歌扇正相迎

盛唐彙詩卷第一百八

四唐彙詩二百七十八

盛唐彙詩卷第一百九

四唐彙詩二百七十九

七言律體

新都

吳勉學 編輯

江晏如 校訂

題詠

題盧五舊居

李頎

物在人亡無見期
閑庭繫馬不勝悲
窻前綠竹生空地
門外青山如舊時
悵望秋天鳴墜葉
噴岷枯柳宿寒鷗
憶君淚落東流水
歲歲花開知

是誰

題璿公山池

李頎

遠公遯跡廬山岑
開山幽居祇樹林
片石孤峰窺色相
清池白月照禪心
指揮如意天花落
坐臥閑房春草深
此外俗塵俱不染
惟餘玄度得相尋

題東谿公幽居

李白

杜陵賢人清且廉
東谿卜築歲將淹
宅近青山同謝朓
門垂碧柳似陶潛
好鳥迎春歌後院
飛

花送酒舞前筵
客到但知留一醉
盤中祇有水

晶鹽

題雍丘崔明府丹竈

李白

美人爲政本忘機
服藥求仙事不違
葉縣已泥丹竈畢
瀛洲當伴赤松歸
先師有訣神將助
大聖無心火自飛
九轉但能生羽翼
雙鳧忽去定何依

題鄭縣亭子

杜甫

鄭縣亭子澗之濱
戶牖憑高發興新
雲斷嶽蓮

臨大路天晴空柳暗長春巢邊野雀羣欺燕花
底山峰遠趁人更欲題詩滿青竹晚來幽獨恐
傷神

題省中壁

杜甫

掖垣竹埤梧十尋洞門對雪常陰陰落花遊絲
白日靜鳴鳩乳燕青春深腐儒衰晚謬通籍退
食遲迴違寸心衮職曾無一字補許身愧比雙
南金

七月一日題終明府水樓二首

杜甫

高棟層軒已自涼秋風此日灑衣裳翛然欲下
陰山雪不去非無漢署香絕壁過雲開錦繡踈
松隔水奏笙簧看君宜著王喬履真賜還疑出
尚方

又

處子彈琴邑宰日終軍棄繻英妙時承家節操
尚不泯爲政風流今在茲可憐賓客盡傾蓋何
處老翁來賦詩楚江巫峽半雲雨清簟踈簾看

奕碁

題張氏隱居

杜甫

春山無伴獨相求，伐木丁丁山更幽。
澗道餘寒歷水雪，石門斜日到林丘。
不貪夜識金銀氣，遠害朝看麋鹿遊。
乘興杳然迷出處，對君疑是泛虛舟。

柏學士茅屋

杜甫

碧山學士焚銀魚，白馬却走身巖居。
古人已用三冬足，年少今開萬卷餘。
晴雲滿戶團傾蓋，秋

水浮堦溜決渠富，貴必從勤苦得。
男兒須讀五車書。

覃山人隱居

杜甫

南極老人自有星，北山移文誰勒銘。
徵君已去獨松菊，衰壑無光留戶庭。
予見亂離不得已，子知出處必須經。
高車駟馬帶傾覆，悵望秋天虛翠屏。

江陵節度使陽城郡王新樓成王請嚴
侍御判官賦七字句同作 杜甫

樓上炎天水雪生高飛燕雀賀新成碧牕宿霧
濛濛濕朱拱浮雲細細輕杖鉞寒帷瞻具美投
壺散帙有餘清自公多暇延參佐江漢風流萬
古情

又作此奉衛王

杜甫

西北樓成雄楚都遠開山岳散江湖二儀清濁
還高下三伏炎蒸定有無推轂幾年惟鎮靜曳
裾終日盛文儒白頭授簡焉能賦媿似相如爲
大夫

寄題杜拾遺錦江野亭

嚴武

漫向江頭把釣竿懶眠沙草愛風湍莫倚善題
鸚鵡賦何須不着鷓鴣冠腹中書籍幽時曬肘
後醫方靜處看與發會能馳駿馬應須直到使
君灘

敕賜百官櫻桃

王維

芙蓉闕下會千官紫禁朱櫻出上欄纔是寢園
春薦後非關御苑鳥銜殘歸鞍競帶青絲籠中
使頻傾赤玉盤飽食不須愁內熱大官還有蔗

盛唐詩集 卷一百九
三
漿寒

和王維勅賜百官櫻桃

崔興宗

未央朝謁正逶迤
天上櫻桃錫此時
朱實初傳九華殿
繁花舊雜萬年枝
未勝晏子江南橘
莫比潘家大谷梨
聞道令人好顏色
神農本草自應知

聽百舌鳥

王維

上蘭門外草萋萋
未央宮中花裏栖
亦有相隨過御苑
不知若箇向金堤
入春解作千般語
拂

曙能先百鳥啼
萬戶千門應覺曉
建章何必聽鳴雞

宿瑩公禪房聞梵

李頎

花宮仙梵遠微微
月隱高城鐘漏稀
夜動霜林驚落葉
曉聞天籟發清機
蕭條已入寒空靜
颯沓仍隨秋雨飛
始覺浮生無住着
頓令心地欲皈依

題桃樹

杜甫

小徑升堂舊不斜
五株桃樹亦從遮
高秋總餽

鄰人實來歲還舒滿眼花簾戶每宜通乳燕兒
童莫信打慈鷓寡妻羣盜非今日天下車書正
一家

見螢火

杜甫

巫山秋夜螢火飛簾踈巧入坐人衣忽驚屋裏
琴書冷復亂簷前星宿稀却繞井欄添箇箇偶
經花蘂弄輝輝滄江白髮愁看汝來歲如今歸
未歸

見王監兵馬使說近山有黑白二鷹羅

者久取竟未能得王以毛骨有異他鷹
恐臘後春生騫飛避煖勁翮思秋之甚
眇不可見請余賦詩二首 杜甫

雲飛玉立盡清秋不惜竒毛恣遠遊在野只教
心力破干人何事網羅求一生自獵知無敵百
中爭能耻下鞫鵬礙九天須却避兔經三窟莫
深憂

又

黑鷹不省人間有度海疑從北極來正翮搏風

超紫塞玄冬幾夜宿陽臺虞羅自覺虛施巧春
鴈同歸必見猜萬里寒空只一日金眸玉爪不
凡材

野人送櫻桃
杜甫

西蜀櫻桃也自紅野人相贈滿筠籠數迴細寫
愁仍破萬顆勻圓訝許同憶昨賜霽門下省退
朝擎出大明宮金盤玉筋無消息此日嘗新任
轉蓬

燕子來舟中作
杜甫

湖南爲客動經春燕子銜泥兩度新舊入故園
嘗識主如今社日遠看人可憐處處巢居室何
異飄飄託此身暫語船檣還起去穿花帖水益
霑巾

吹笛
杜甫

吹笛秋山風月清誰家巧作斷腸聲風飄律呂
相和切月傍關山幾處明胡騎中宵堪北走武
陵一曲想南征故園楊柳今搖落何得愁中却
盡生

雨不絕

杜甫

鳴雨既過漸細微映空搖颺如絲飛階前短草
泥不亂院裏長條風乍稀舞石旋應將孔子行
雲莫自濕仙衣服邊江舸何忽促未得安流逆
浪歸

五日觀妓

萬楚

西施謾道沉春紗碧玉今時鬪麗華眉黛奪將
萱草色紅裙妬殺石榴花新歌一曲令人豔醉
舞雙眸斂鬢斜誰道五絲能續命却令今日死

君家

春情

孟浩然

青樓曉日珠簾映紅粉春妝寶鏡催已厭交歡
憐枕席相將遊戲繞池臺坐時衣帶縈纖草行
卽裙裾掃落梅更道明朝不當作相期共鬪管
絃來

代征人妻

梁鍠

征夫走馬發漁陽少婦含嬌開洞房千日廢臺
還挂鏡數年空面再新妝東風喜出今朝戶明

月虛眠昨夜牀莫道幽閨
還衣揔是舊時香

七言排律

題鄭十八著作丈

杜甫

台州地闊海冥冥雲水長和島嶼青亂後故人
雙別淚春深逐客一浮萍酒酣嬾舞誰相拽詩
罷能吟不復聽第五橋東流恨水皇陂岸北結
愁亭賈生對鵬傷王傳蘇武看羊陷賊庭可念
此公懷直道也霑新國用輕刑襴衡實恐遭江

夏方朔虛傳是歲星窮巷悄然車馬絕案頭乾
死讀書螢

寒雨朝行視園樹

杜甫

柴門雜樹向千株丹橘黃甘此地無江上今朝
寒雨歇籬中秀色畫屏紆桃蹊李徑年雖古梔
子紅椒豔復殊鑱石藤梢元自落倚天松骨見
來枯林香出實誰將盡葉帶辭枝不重蘇愛日
恩光蒙借貸清霜殺氣得憂虞衰顏動覓藜牀
坐緩步仍須竹杖扶散騎未知雲閣處啼猿僻

在楚山隅

清明二首

杜南

朝來新火起新煙湖色春光淨客船繡羽衝花
他自得紅顏騎竹我無緣胡童結束還難有楚
女腰肢亦可憐不見定王城舊處常懷賈傅井
依然虛霑焦舉爲寒食實藉君平賣卜錢鐘鼎
山林各天性濁醪麤飯任吾年

又

此身飄泊苦西東右臂偏枯半耳聾寂寂繫舟

雙下淚悠悠伏枕左書空十年蹴鞠將雛遠萬
里鞦韆習俗同旅鴈上雲歸紫塞家人鑽火用
青楓秦城樓閣煙花裏漢主山河錦繡中風水
春來洞庭濶白蘋愁殺白頭翁

盛唐彙詩卷第一百九

四唐彙詩二百七十九

盛唐彙詩卷第一百十

春來不似去年白... 青風奈... 皇... 雙...

盛唐彙詩卷第一百十

四唐彙詩二百八十

且

鳳孟不...

新安 吳勉學 編輯 胡之衍 校訂

五言絕句

樂府

關山月 儲光羲

一鴈過連營 繁霜覆古城 胡笳在何處 半夜起

邊聲

洛陽陌 李白

白玉誰家郎迴車渡天津看花東陌上驚動洛陽人

洛陽道五首 古賦 儲光羲

洛水春水開洛城春樹綠朝看大道上落花亂馬足

又

劇孟不知名千金買寶劍出入平津邸自言嬌且艷

又

大道直如髮春日佳氣多五陵貴公子雙雙鳴玉珂

又

春風二月時道傍柳堪把上枝覆官閣下枝拂車馬

又

洛水照千門千門碧空裏少年不得志走馬遊新市

長安道二首

儲光羲

鳴鞭過酒肆，袷服遊倡門。百萬一時盡，含情無片言。

又

西行一千里，暝色生寒樹。暗聞歌吹聲，知是長安路。

江南曲四首

儲光羲

綠江深見底，高浪直翻空。慣是湖邊住，舟輕不畏風。

又

逐流牽荇葉，綠岸摘蘆苗。爲惜鴛鴦鳥，輕輕動畫橈。

又

日暮長江裏，相邀歸渡頭。落花如有意，來去逐船流。

又

隔江看樹色，沿月聽歌聲。不是長干住，那從此路行。

又五首

丁仙芝

長干斜路北近浦是兒家有意來相訪明朝出
浣沙

發向橫塘口船開值急流知郎舊時意且請攏
船頭

昨暝逗南陵風聲波浪阻入浦不逢人歸家誰
信汝

又

未曉已成妝乘潮去茫茫因從京口渡使報邵
陵王

又

始下芙蓉樓言發瑯琊岸急為打船開惡許傷
人見

從軍行

王昌齡

大將軍出戰白日暗榆關三面黃金甲單于破
膽還

王昭君

崔國輔

漢使南還盡胡中妾獨存紫臺綿望絕秋草不堪論

又

李白

昭君拂玉鞍上馬啼紅頰今日漢宮人明朝胡地妾

相逢行

李白

相逢紅塵內高揖黃金鞭萬戶垂楊裏君家阿那邊

班婕妤三首

王維

玉牕螢影度金殿人聲絕秋夜守羅帷孤燈耿不滅

又

宮殿生秋草君王恩幸疎那堪聞鳳吹門外度金輿

又

惟來妝閣閉朝下不相迎總向春園裏花間笑語聲

玉階怨

李白

玉階生白露夜久侵羅襪却下水晶簾玲瓏望
秋月

怨詩三首不昧
李暇

羅敷初總髻蕙芳正嬌小月落始歸船春眠恬
着曉

又草草王鳳幸
鳳之門

何處期郎遊小苑花臺間相憶不可見且復乘
月還

又

別前花照路別後露垂葉歌舞須及時如何坐
悲妾

子夜冬歌

崔國輔

寂寥抱冬心裁羅又褰褰夜久頻挑燈霜寒剪
刀冷

吳聲子夜歌

一作崔國輔古意

薛竒童

淨掃黃金階飛霜皎如雪下簾彈空篴不忍見
秋月

碧玉歌

李暇

碧玉上宮妓出入千花林珠被玳瑁牀感郎情意深

估客樂一作行

李白

海客乘天風將船遠行役譬如雲中鳥一去無蹤跡

秦女卷衣

崔國輔

雖入秦帝宮不上秦帝牀夜夜玉牕裏與他卷衣裳

淶水曲

李白

淶水明秋日南湖采白蘋荷花嬌欲語愁殺蕩舟人

長干曲四首

一作江南曲

崔顥

君家何處住妾住在橫塘停船暫借問或恐是同鄉

又

家臨九江水來去九江側同是長干人生小不相識

又

下渚多風浪蓮舟漸覺稀那能不相待獨自逆
潮歸

又木末去水五湖風浪涌由來花性輕莫畏蓮
舟重

小長干曲 崔國輔

月暗送潮風相尋路不通菱歌唱不徹知在此

塘中

長樂少年行 一作古音

崔國輔

遺却珊瑚鞭白馬驕不行章臺折楊柳春日路
傍情

王孫遊 崔國輔

言與王孫別頻看黃鳥飛應由春草誤着處不
成歸

自君之出矣 樂府作辛弘智誤 李康成

自君之出矣絃吹絕無聲思君如百草撩亂逐

春生

高句驪 李白

金花折風帽白馬小遲回翩翩舞廣袖似鳥海東來

今別離
崔國輔

送別未能旋相望連水口船行欲映洲幾度急
搖手

襄陽曲二首
崔國輔

蕙草嬌紅萼時光舞碧雞城中美年少相見白
銅鞮

又

少年襄陽地來住襄陽城城中輕薄子知妾解
秦箏

又四首
李白

襄陽行樂處歌舞白銅鞮江城回淥水花月使
人迷

又

山公醉酒時酪酏襄陽下頭上白接羅倒着還
騎馬

又

峴山臨漢江水綠沙如雪上有墮淚碑青苔久磨滅

又

且醉習家池莫看墮淚碑山公欲上馬笑殺襄陽兒

古歌三首

薛維翰

美人怨何深舍情倚金閣不嘔復不語紅淚雙雙落

又

美人閉紅燭獨坐裁新錦頻放剪刀聲夜寒知未寢

又

沈千運

北邙不種田但種松與柏松柏未生處畱待市朝客

讖詩

李遐周

燕市人皆去函關馬不歸若逢山下鬼環上繫羅衣

袂襖曲三首

無名氏

昨見春條綠那知秋葉黃
蟬聲猶未斷塞鴈已成行

又
金谷園中柳春來自舞腰
那堪好風景獨上洛陽橋

又
何處堪愁思花間長樂宮
君王不重客泣淚向東風

甘州

無名氏

欲使傳消息空書意不任
寄君明月鏡偏照故人心

靜夜思

李白

牀前看月光疑是地上霜
舉頭望山月低頭思故鄉

中流曲

崔國輔

歸時日尚早更欲向芳洲
渡口水流急迴船不自由

魏宮詞

崔國輔

朝日照紅妝擬是銅雀臺畫眉猶未竟魏帝使人催

長信草

崔國輔

長信宮中草年年愁處生故侵珠履跡不使玉階行

麗人曲

紅顏稱絕代欲並真無侶獨有鏡中人由來自相許

采蓮

崔國輔

玉淑花爭發金塘水亂流相逢畏相失並着采蓮舟

湖南曲

崔國輔

湖南送君去湖北送君歸湖裏鴛鴦鳥雙雙他自飛

朝來曲

王昌齡

月旻鳴珂動花蓮繡戶春盤龍玉臺鏡唯待畫眉人

滅胡曲

岑參

都護新滅胡士馬氣亦麤蕭條虜塵淨突兀天
山孤

衛豔詞

崔國輔

淇上桑葉青青樓含白日比時遙望君車馬城
中出

越女詞五首

李白

長干吳兒女眉目豔星月屐上足如霜不着鴉
頭襪

吳兒多白皙好爲蕩舟劇賣眼擲春心折花調

行客

耶谿采蓮女見客棹歌迴笑入荷花去佯羞不
出來

東陽素足女會稽素舸郎相看月未墮白地斷
肝腸

鏡湖水如月耶谿女如雪新妝蕩新波光景兩
奇絕

巴女詞

李白

巴水急如箭巴船去若飛十月三千里郎行幾

歲歸

怨詞二首

崔國輔

妾有羅衣裳秦王在時作為舞春風多秋來不堪着

樓前桃李暎池上芙蓉落織錦猶未成蛩聲入羅幕

怨情

李白

美人捲珠簾深坐顰蛾眉但見淚痕濕不知心恨誰

古意二首

崔國輔

玉籠薰繡裳看罷眠洞房不能春風裏吹却蘭麝香

種棘遮薜蘿畏人來采殺比至狂夫還看看幾化燄

閨怨

沈如筠

鴈盡書難寄愁多夢不成願隨孤月影流照伏波營

春怨

金昌緒

打却黃鶯兒莫教枝上啼幾迴驚妾夢不得到
遼西却一作起幾迴一作啼時

閨情

鄭虔

銀鑰開香閣金臺點夜燈長征君自慣獨卧妾
何曾

息夫人

王維

莫以今時寵能忘舊日恩看花滿眼淚不共楚
王言

盛唐彙詩卷第一百一十

四唐彙詩二百八十一

盛唐彙詩卷第一百一十一

四唐彙詩二百八十二

新都

吳勉學

編輯

胡之衍

校訂

五言絕句

述感

罷相作

李適之

避賢初罷相樂聖且銜杯借問門前客今朝幾
箇來

封丘作

高適

州縣才難適雲山道欲窮揣摩慙黠吏棲隱謝
愚公

歎白髮

白髮生偏速交人不奈何今朝兩鬢上更較數
莖多

正言秋思

岑參

那知芳歲晚坐見寒葉墮吾不如腐草翻飛作
螢火

田園言懷

李白

賈謏二三年謫班超萬里侯何如牽白犢飲水對
清流

復愁十二首

杜甫

人煙生僻處虎跡過新蹄野鶻翻窺草村船逆
上谿

又

釣艇妝縉盡昏鴉接翅稀月生初學扇雲細不
成衣

又

萬國尚防寇故園今若何昔歸相識少早已戰場多

身覺省郎在家須農事歸年深荒草徑老恐失柴扉

又

金絲縷箭鏃皂尾掣旗竿一自風塵起猶嗟行路難

又

真觀銅牙弩開元錦獸張花門小箭好此物棄

沙場

又

胡虜何曾盛干戈不肖休聞閭聽小子談笑覓封侯

又

今日翔麟馬先定駕鼓車無勞問河北諸將角榮華

又

任轉江淮粟休添苑囿兵由來貔虎士不滿鳳
凰城

今日又
江上亦秋色火雲終不移巫山猶錦樹南國且
黃鸝

又
每恨陶彭澤無錢對菊華如今九日至自覺酒
須賒

又

病減詩仍拙吟多意有餘莫看江總老猶被賞
時魚

絕句

杜甫

江邊踏青罷回首見旌旗風起春城暮高樓鼓
角悲

古興

薛據

投珠恐見疑抱玉但垂泣道在君不舉功成歎
何及

途中覽鏡

徐九臯

四海遊長倦百年行半侵
賴窺明鏡裏時見丈夫心

懷恩

行軍九日思長安故園 岑參

強欲登高去無人送酒來
遙憐故園菊應傷戰場開

西過渭州見渭水思秦川 岑參

渭水東流去何時到雍州
憑添兩行淚寄向故園流

憶東山二首

李白

不向東山久薔薇幾度花
白雲他自散明月落誰家

又

我今攜謝妓長嘯絕人羣
欲報東山客開關掃白雲

重憶賀監

李白

欲向江東去定將誰舉杯
稽山無賀老却棹酒船迴

贈答

千秋節賜羣臣鏡

玄宗

瑞露垂花綬寒水澈寶輪對茲臺上月聊以慶
佳辰

贈韋穆十八

王維

與君青眼客共有白雲心不向東山去日令春
草深

菩提寺禁口號又示裴迪

王維

安得捨羅網拂衣辭世喧悠然策藜杖歸向桃

花源

聞裴秀才迪吟詩因戲贈

王維

猿吟一何苦愁朝復悲夕莫作巫峽聲腸斷秋
江客

輞口遇雨憶終南山因獻王維

裴迪

積雨晦空曲平沙滅浮彩輞水去悠悠南山復
何在

贈王九

孟浩然

日暮田家遠山中勿久淹歸人須早去稚子望
陶潛

醉後贈馬四

孟浩然

四海重然諾吾嘗聞白眉秦城遊俠窟相得半
酣時

戲贈主人

一作戲題

孟浩然

客醉眠未起主人呼解醒已言雞黍熟復道甕
頭清

戲贈邵使君張郎

盧象

少婦石榴裙新妝白工二面能迷張公子不許時
相見

尚書念舊垂賜袍衣率題絕句獻上以
申感謝

岑參

富貴情還在相逢豈間然綈袍更有贈猶荷故
人憐

贈薛瑤英

賈至

舞怯珠衣重笑疑桃臉開方知漢成帝虛築避
風臺

繫尋陽上崔相渙

李白

卽鄆四十萬同日陷長平能迴造化筆或冀一
人生

對雪獻從兄虞城宰

李白

昨夜梁園雪弟寒兄不知庭前看玉樹腸斷憶
連枝

聞謝楊兒吟猛虎詞因此有贈

李白

同州隔秋浦聞吟猛虎詞晨朝來借問知是謝

楊兒

出妓金陵子呈盧六

李白

南國新豐酒東山小妓歌對君君不樂花月奈
愁何

又

東道煙霞主西江詩酒筵相逢不覺醉日墮歷
陽川

贈內

李白

三百六日日日醉如泥雖爲李白婦何異太

常妻

見京兆韋參軍量移東陽 李白

潮水還歸海流人却到吳相逢問愁苦淚盡日南珠

贈獨孤常州

畢耀

洪爐無久停日月速若飛忽然衝人身飲酒不須疑

贈李中華

梁鋹

莫向嵩山去神仙多誤人不如朝魏闕天子重

賢臣

贈亡妻張氏

唐暄

嶧陽桐半死延津劍一沈如何宿昔內空負百年心

山中寄諸弟妹

王維

山中多法侶禪誦自為羣成郭遙相望唯應見白雲

登峴山亭寄晉陵張少府 孟浩然

峴首風湍急雲帆若鳥飛憑軒試一問張翰欲

飛翻

因崔五侍御寄高彭州適一絕

杜甫

百年過已半秋至轉饑寒為問彭州牧何時救
急難

王錄事許修草堂貨不到聊小詰

杜甫

為嗔王錄事不寄草堂貨昨屬愁春雨能忘欲
漏時

寄從弟

李華

眼病身亦病浮生已半空迢迢千里月應與惠
連同

奉寄彭城公

李華

公子二千客人人願報恩應憐抱關者貧病老
夷門

晚日湖上寄所思

李華

與君為近別不啻遠相思落日平湖上看山對
此時

來歸

憶長安曲三章寄龐准

岑參

東望望長安正值日初出長安不可見喜見長安日

又

王維

長安何處在只在馬蹄下明日歸長安為君急

走馬

寄韓樽

岑參

夫子素多疾別來未得書北庭苦寒地體內今

何如

寄王長史

祖詠

汝穎俱宿好往來託層巒終日何寂寞繞籬生蕙蘭

寄上吳王

李白

坐嘯廬江靜閑聞進玉觴去時無一物東壁挂胡牀

題情深樹寄象公

李白

腸斷枝上猿淚添山下樽白雲見我去亦為我

飛翻

因崔五侍御寄高彭州適一絕

杜甫

百年過已半秋至轉饑寒為問彭州牧何時救
急難

王錄事許修草堂貨不到聊小詰

杜甫

為嗔王錄事不寄草堂貨昨屬愁春雨能忘欲
漏時

寄從弟

李華

眼病身亦病浮生已半空迢迢千里月應與惠
連同

奉寄彭城公

李華

公子三千客人人願報恩應憐抱關者貧病老
夷門

晚日湖上寄所思

李華

與君為近別不啻遠相思落日平湖上看山對
此時

寄蕭頰士補正字

鄒象先

六月度開雲三峯翫山翠爾時黃綬屈別後青雲致

寄夫

郭紹蘭

我壻去重湖臨窓泣血書慙慙憑燕翼寄與薄情夫

荅裴迪輞口遇雨憶終南山之作

王維

淼淼寒流廣蒼蒼秋雨晦君問終南山心知白

雲外答

荅武陵田太守

王昌齡

仗劍行千里微軀敢一言曾為大梁客不負信陵恩

荅友人贈烏紗帽

李白

領得烏紗帽全勝白接羅山人不照鏡稚子道相宐

荅鄭十七郎一絕

杜甫

雨後過畦潤花殘步履遲把文驚小陸愛客見

當時

答人

太上隱者

偶來松樹下高枕石頭眠山中無曆日寒盡不知年

交恩

大險於千里

答友人

盛唐彙詩卷第一百一十一

四唐彙詩一百八十一

